

107
5
Sch.

BVLLA, S.D.N. CLEMENTIS
Papæ. VII. Intimatoria, quod sua
Sanctitas deinceps non intendit dispensa-
re cum his qui scienter & sub spe uenix
cōtraxerint matrimonia in gradibus pro-
hibitis, sed tantummodo eos absoluet, &
separabuntur.



THE NEW YORK
LIBRARY
ASTOR LENOX
TILDEN FOUNDATION
1215 FIFTH AVENUE
NEW YORK 10029



C L E M E N S

E P I S C O P V S , Seruus seruorū dei,
Venerabilibus fratribus Patriarchis, Archi-
episcopis, Episcopis & aliis locorū ordina-
riis Salutem & apostolicā benedictionē.

Q Via plerunq; in futurorum euen-
tibus, imbecillitas humani iudicii
adeo fallitur, ut quod utile non solum con-
iectura, sed etiam attenta & prouida confi-
deratio pollicebatur, id prorsus inutile, ac
animarum saluti maxime damnosum re-
periatur, propterea nonnunquā expedit, ut
gratiæ quæ olim consulto, & rationabili de
causa concedi uidebantur, multo consultius
in posterum denegentur, id quod necessitas
præsentis prouisionis euidenter ostendet.
Sane postquā felicitatis recordationis Clemens
Papa. V. prædecessor noster in Concilio
Viennēsi eos, qui diuino timore postposito,
in gradibus cōsanguinitatis & affinitatis cō-

tra canonicas sanctiones matrimonia scienter in suarum periculum animarum cōtrahere præsumpsissent, excōmunicationis sententiæ ipso facto decreuerat subiacere, præcipiendo ecclesiarum Prælati, ut tales tandiu excōmunicatos publice nuntiarent, seu nuntiari facerent, donec separarētur ab inuicem & beneficiū absolutionis obtinerēt, sedes apostolica & Romani Pontifices prædecessores nostri considerantes grauiam oriri posse scādala, si matrimonia huiusmodi sciēter contracta & carnali copula cōsummata per diuortium dirimerētur, ad obuiandum huiusmodi scandalis, & ne mulieres perpetuo diffamatae remanerent, inducebātur ad dispensandum cum illis, qui in gradibus huiusmodi prohibitis matrimonia ipsa sciēter contraxissent. propter quod multi uolentes in gradibus prohibitis matrimonia contrahere, ac sperantes ueniam & absolutionem ac dispensationem a sede prædicta facilius obtinere posse, illa passim cōtrahere & car-

111
nali copula sub tali spe cōsummāre p̃sum-
pserūt. Quæ abusio & corruptela cum ian-
diu propter inueteratam hominum mali-
ciam & nimiam dictæ sedis in absoluendo
ac dispensando facilitatem adeo creuerit, ut
cupientes in gradibus prohibitis huiusmodi
contrahere, nullo pacto id facere uereantur,
& unde scandalis remedia petebantur, inde
scandalorum materia & occasio nata uidea-
tur, Nos quorum interest agrum domini ita
colere, ut uirtutes in eo crescant, abusiones
uero quæcunq; tollantur, ac malis moribus
uia & aditus omnis præcludatur, huiusmodi
fraudibus & dolis per quos multi dispensa-
tiones in præiudicium animarum suarum a
nobis extorquere, ac clementia, & miseri-
cordia apostolica sub spe ueniæ, quæ ut ex-
perientia rerū magistra docet, peccandi uiā
pandit, abuti non cessant, obuiare uolentes,
habita super his cum fratribus nostris ma-
tura deliberatione, de ipsorum fratrum cō-
silio, omnibus denunciādum seu intimandū

duximus, quod in posterum cum illis qui in gradibus prohibitis matrimonia sciēter contraxerint, etiam si illa cōsummauerint, non intendimus dispēfare, sed illa, scādalis quæ oriri posse formidaretur, minime attentis, omnino separari mandabimus, absolutionē dūtaxat petentibus misericorditer cōcessuri, cum gratia dignus non sit, qui canonum conditorem cōtemnit, illiq; cū animæ suæ detrimento iniuriam facit. Et ut intētio nostra facilius ad effectū perducatur, ac omnibus innotescat, Vobis & uestrum cuiuslibet in uirtute sanctæ obedientiæ mandamus, quatenus præsentēs literas seu earum transumpta, quibus manu publici Notarii subscriptis, & alicuius Prælati, seu in ecclesiastica dignitate constituti sigillo munitis, eandem prorsus fidem, ac ipsis originalibus literis præstari uolumus in singulis ecclesiis Ciuitatum & diocesi. uestrarum, etiam uulgari sermone publicari, & ipsarum ecclesiarum ualuis affigi faciatis, ne aliquis ullo unquam

113
tempore, huius nostræ incōmutabilis inten-
tionis & uoluntatis ignorantiam prætende-
re seu allegare possit. Nulli ergo omnino
hominum liceat hanc paginam nostræ in-
tentionis mandati & uoluntatis infringere
uel ei ausu temerario contraire. Siquis autē
hoc attentare præsumpserit, indignatio-
nem omnipotentis Dei ac beatorum Petri
& Pauli apostolorum eius se noverit incur-
surum.

Datum Romæ apud Sanctum Petrū Anno
incarnationis dominicæ Millesimo quin-
gentesimo uigesimo quarto, sextodecimo
Calē. Septemb. Pontificatus nostri
Anno Primo.

